

جَزَائِرِ عَمَّاكِمَر

— جمعه ایرتسی —

نومرو	جاذی الاول	سنه	کانون اول	سنه	صحیفه
۵۲۸	۱۹	۱۳۰۷	۳۰	۱۳۰۵	۶۳۶۷

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حساییله التمش غروشدر . طشره لر ایچون اون بش غروش بوسته اجر قی ضم اولنور . بهر)
 (نمخه سی یته مجیدیه یکر می غروش اولوق اوزره یوز یاره یه هر رده صاتیلور . درج اولنه حق)
 (اعلاناتک هر برندن بر مجیدیه اخذ اولنور . سنه لکنه مشتری اولوق استیائلر عدلیه نظا رقی)
 (دآره سنده کائن جریده محاکم اداره سنه مراجعت ایلملیدر)

رئیس سابق عبدی افندی به

پروژه سنجاغی بدایت محکمه سی مدعی عمومی
 معاونلکی دراج سنجاغی مدعی عمومی معاونی
 توفیق افندی به

دراج سنجاغی بدایت محکمه سی مدعی عمومی
 معاونلکی پروژه سنجاغی مدعی عمومی معاونی
 احمد رشید بکه تفویض پیورلشد .

قسم رسمی

— توجیهات —

اشقودره بدایت محکمه سی مدعی عمومی
 معاونلکی سیروز بدایت محکمه سی مستنطق مکتب
 حقوق شاهانه مأذونلرندن نجاتی افندی به

بوکره اهاده تشکیل اولنان مناسرت تجارت
 محکمه سی ریاستی ملغا اسکچه تجارت محکمه سی

(فی ۸ جاذی الاول سنه ۳۰۷ وفی ۱۸)
 (کانون اول سنه ۳۰۵ تاریخنده عموم ولایات)
 (استیناف مدعی عمومیلرینه ومدعی عمومی)
 (بولنمیان محالمدعی عمومی معاوئلرینه یازیلان)
 (تحریرات عمومی صورتیدر)

فی ۲ شباط سنه ۳۰۲ تاریخنده تعمیماً
 یازیلان تحریرات عمومیده پروتستو واحضارنامه
 کبی اوراقلک تبلیغی ایچون یازیله حق تذکره دن
 آبروجه یکریمی بش غروش خرج اخذی ایجاب
 ایتمه چکی مندرج بولندیق حالدہ درسمعادتن
 احضارنامه وسائرہ کبی اوراقلک تبلیغی ایچون
 ورود ایتکده اولان محرراتدن یکریمی بش غروش
 خرج التذبیغی کورلمکده وبوایسه محاکمجه داعی
 تردد اولمقده اولدیغی بیانیله تحریرات عمومیہ
 مذ کوره حکمنک تعدیل ایدیلوب ایدلمدی بعض
 طرفدن سوال اولمقده کیفیت انجمن عدلیہ به
 لدی الحواله فی الحقیقه درسمعادت محاکمجه بو
 مقوله محرراتدن خرج التقدہ ایسه خلاف قانون
 اولدیغندن بونک منعیله تحریرات مذ کوره حکمی
 تعدیل ایدیلوب الآن مرعی و باقی ایدوکی
 بامذکرہ بیان اولمش ومأموریتکز داخلندہ بولنان
 محاکمه لاجل التبلیغ اشبو تحریراتک نسخ مطبوعه

(فی ۱۲ جاذی الاول سنه ۳۰۷ وفی ۲۳)
 (کانون اول سنه ۳۰۵ تاریخنده عموم ولایات)
 (استیناف مدعی عمومیلرینه ومدعی عمومی)
 (بولنمیان محالمدعی عمومی معاوئلرینه یازیلان)
 (تحریرات عمومی صورتیدر)

اوراق صحیفه عتیقه نیک شمدیکی پولار ایله
 تبدیلی ایچون تعیین اولمش اولان مهلاک سنه حالیه
 تشرین اولنک یکریمی بشنجی کونی منقضیه اولسنه
 مبنی تاریخ مذ کوردن اعتباراً اوراق مذ کوره
 اوزرینه محرر اولان سنداته تمغالغاش نظریله
 باقیله رق جزای تقدی به تابع قاله جنی ومهل
 مذ کورک طشره لر ایچون سنجاق مرکز لرنده اعلانی
 تاریخندن اعتباراً اوچ آی صکره انقضاسی مقرر
 اولوب اوراق مذ کورنک صورت تبدیلی حقندہ
 مسکوکات شاهانه اداره سیله ولایاتده تبلیغات
 لازمه اجرا قلنش اولدیغی بوکره برصورتی

بایورلدی ساجی تبلیغ بیوریلان مالیه نظارت
 جلیله سی تذکره سنده کوسترلش وموجبجه لازم
 کلانلره تبلیغ کیفیت اولمش اوزره اشبو تحریراتک
 نسخ مطبوعه کافیه سی لفا ارسال قلنش اولمقده
 بروجہ محرر ایفای مقتضاسی سیاقندہ شقہ محبی
 ترقیم قلندی

قسم غیر رسمی

(بالیکسره تابع کمروین قریه سی اھالیسندن)
 (پهلوان حبیب کریمه سی یدی یاشنده دلسز)
 (البقہ صورت جبریه ده فعل شنیع اجرا)
 (ایلدیکی ادعا اولمسنندن طوولای مطنون)
 (علیہ اولان بلال اوغلی حسن حقندہ قره سی)
 (بدایت محکمہ سی جزا دائره سنده جریان)
 (ایدن محاکمه نیک ضبط ورقه سیدر)

اوچیزو بش سنه سی نیسانک طقوزنجی
 کونی کمروین قریه سندن پهلوان حبیب کریمه سی
 دلسز الینی کندی خانه سنه کتوره رک صورت
 جبریه ده فعل شنیع اجرا ایلسندن طوولای مطنون
 علیہ قریه مذ کوره اھالیسندن نفوس قیدینه
 کوره سنأ اون بش یاشنده فقط بالمشاهده جسماً
 اون سکز درجه لرنده کوریلان بلال اوغلی حسن
 بن علینک جنایتله ایتامنه دائر بروسه هیئت
 ایتامیه سندن تنظیم واعطا قلنان فی ۲۲ محرم
 سنه ۳۰۷ وفی ۶ ایلول سنه ۳۰۵ تاریخلی
 وایکیوز الی اوچ نومرولی مضبطه ایله قره سی
 مدعی عمومی معاوندکی جانبدن مودوع فی ۴
 صفر سنه ۳۰۷ وفی ۱۷ ایلول سنه ۳۰۵
 تاریخلی ویتش بر نومرولی ایتامنامه اوراق
 مفرعه سیله فی ۵ صفر سنه ۳۰۷ تاریخنده محکمہ
 جنایتہ تودیع اولمقده بالمطالعہ اصول محاکمات
 جزایه قانونک ایکیزو قرق سکرنجی و ایکیزو
 قرق طقوزنجی ماده لرینه توفیقاً مرقوم حسن
 تاریخ مذ کورده توقیفخانه دن جلب واستجواب
 ومدافعه سنده معاونت ایتک اوزره بروکیل
 انتخاب ایلدی تکلیف اولمقده دعوی وکیلرندن
 بیلدیکی کیسه اولدیغنی سولیکله محکمہ زندنه
 بولنان شهادتنامه لی وکیلرندن سعدالدین افندی

اسمی حسن شرقی بلال اوغلی سنی اون بش
صنعتی رنج-بر اولوب محل اقامت وولادی دخی
کسروین قریه سی ایدوکنی سولیکله رئیس محکمه
مدافعه وکیل سعیدالدین افندی به توجهله وکیل
افندی وجدانکوزک وقانونه لازم کلان رباتک
خلافنده برشی سولیبوب کمال ادب واعتدال ایله
ایضای وظیفه و بیان حال ایلکیزی اخطار ایدرم
دیدى .

اوقونه جق اوراقه دقت ایتمی متهمه
وهیئت اتهامیه مضبطه سیله اتهامنامه ک قرانی
ضبط کاتبی محمد عزت افندی به بیان ابتدی بناء
علیه اوراق اتهامیه ضبط کاتبی طرفندن جهراً
قرائت اولندی .

مضبطه مذکورده مکالی مظنون علیه
مرقوم حسنک صورت جبریده مزبورده
بکرینی ازاله ایلدیکی اخبارات واقعه وطیب
وقبله راپورلیله اکلایش وحرکتی قانون
جزانک یوز طقسان سکر وایکبوزنجی ماده لرینه
مطابق بولنش اولغله اولوجه اوزره جنایتله
اتهامنه متفقاً قرار ویرلیدیکی مشعردر . اتهامنامه ده
دخی مضبطه مذکورده مندرجانی دائره سنده بیان
کیفیتله برابر بوايشك حدتواتره واردیغنی قریه

کندوسنه اصولاً وکیل تعیین وقانون مذکورک
ادمای مفسوخیت حقنده اولان ایکبوز الی
برنجی ماده سی مندرجانی اخطار اولندیغنی مبین
طوتیلان استجواب ضبط ورقه سی تحت امضایه
الديرلدى .

ادمای مفسوخیت ایچون معین اولان مدت
قانونیه مقتضیه اولغله مرقومک اجرای محاکمه سی
بیک اوچیوز بش سنده سی تشرین اولنک ایکنجی
لونه قرارلشدیرلدى .

یوم مذکورده رئیس محکمه علی رضا افندیله
اعضادان محمد ماصم ونوری وهاجی اغوب
وخره لامبو افندیلر ومدعی عموی معاونی علی
حیدر بک افندی قره سی بدایت محکمه سی جزا
دائره سنده مخصوص اولان اوطه ده بالاجتماع
ساعت الی راده لرده مرقوم حسن قانون مزبورک
ایکبوز التمش اوچنجی ماده سنده توفیقاً توقیفخانه دن
جلب ایله وکیل سعیدالدین افندی یاننده ودلسر
الیف دخی پدریله حاضر بولندیغنی حالده علناً
اجرای محاکمه به مباشرت اولندی .

رئیس محکمه متهمدن اسم وشهرت وسن
وصنعت ومحل ولادت واقامتگاهنی سؤال ایتدکده

صهی موصومک وجود والبسه سی خون آلود
ایدی که اشبو رنگ وحال مغدورانه واثار جرم
ظالمانه کورلدیکه انسانی بی اختیار متأثر قیلوب
انک سوق طبیعیه سیله لعنتلر تأسفلر ایلدیوردی .
ارتق بوندنده فجیع وشنیع برجنایت ده تصور
اولنه من حاصلی شوفضاحت ناموس شکنانه ک
خلق واسایش اوزرنده براتش اولدیغنی تأثیرات
کلیه بی انجق محاکمه ک حکم وقرار عادلانه سی
ازاله ایده چکدر بناء علیه اکا کوره نظردقت
واهمیه التمی لزومنی بیاندنصکره فعل مدماپک
اخبارات حدیده وراپورلر دلالتیله برده متهمک
تکذیب اولتمی ومفعوله ک اشارتیه تعیین خصم
ایلمی اوزرینه درجه ثبوت ککش وشهود
پوصله سیله ویرلش اولدیغنی عرض ایدرم
دیدى .

مذکور پوصله ده ضبط کاتبی محمد عزت
افندی طرفندن اوقوندی .

بوندن صکره صاغر ودلسر اولان صهی
مفعوله دن اصولی دائره سنده ایما واثارته وپدری
واسطه سیله صورلدقده بوغازینی صیقوب عرضه
یکن حسن اولدیغنی بالاشاره اکلاده رق حسنی
دخی پرمایله کوستردی .

مرقومه لی علی اغا زوجه سی مایشه واسماعل اوغلی
محمد علی طرفندن خبر ویریلوب مع هذا کرک
اشبو مایشه وکرک رکسلی مصطفی کریمه سی امینه ک
متهمی تکذیب ایتمی ومفعوله ک ایما تعیین خصم
ایلمی دخی اسباب مسروده ثبوتیه به منضم
اوله رق حاصلی مرقوم حسن برصورت فاجعانه ده
وقوعیه له انسانی ک دقت ورقنی جلب ایدوب
بالوجوه درجه ثبوت ککش بولنان مذکور هنک
عرض جنایتی اوزرینه اجرای محاکمه قانونیه سی
ضمننده وجاهاً اتهام اولنش ایدوکی محرردر .

ایکبوز التمش التنجی ماده به تطبیقاً اتهامنا .
مهنک خلاصه سی مرقومه تفهیم ومعاون میرموی
الیه جانیندن دخی شوصورتله تفصیل وتشریح
ایلدشدر . ایستاده موقع محاکمه اولان بلال
اوغلی حسن دکل یالکز عالم اسلامیتک جهان
انسانیتکده طعن ونفرین مخفنه وجوهله لایق
برجنایتی ارتکاب ایلشدر .

یعنی پهلوان حبیبک کریمه سی الی یدی
یاشارنده دلسر الیف سوفاقده اوینارکن فاعل
مرقوم کندی خانه سنده کورتوروب اوراده عرضه
یکهرک بیچاره بی کوز یاشری وقانلر ایچنده
براقشدر . حتی پدری بورایه کثیردیکنده دخی

ایلدکرند قان نشانه لری مشاهده اولدیغنی بالیان
اجرای ایجابی ایستدی .

مظنون علیه سو یلتدیرلدکده وقعه کونی
اعیان یعقوب قزقنداشی حبیبه ووالده سی مایشه
ودده قزی امینه و غایشه نک دیگر قزی حدیجه ایله
یعقوب باغنه کیدرک اوکله وقتی جامعه نماز
قیلی اوزره کلدیکنده ایفک پدری حبیب پهلوان
سن بنم چو جغنی کوتوله مشسک دیو ایاغندن طونی
چیقاردیغنی و طونی اوزرنده کی قان لکه لری دخی
باغده ایشلرکن بورنی قنامش اولدیغندن یقامش
ایسه ده چقارمه مدیغنی و بورنی قنادیغنه یوقاروده اسملری
محرر عایشه و حبیبه و حدیجه و امینه نک معلوماتلری
بولندیغنی و مقدا همیشه سنک پهلوان حبیبک
اوغلی طرفندن قالدیرلدیغنی جهته غرض ایتمکده
اولدیغنی بالیان جرمنی انکار ایلدی .

مدعی عومی معاونی بک افندی طرفندن
ویریلان پوصله ده اسمایسی محرر اولوب دعوت
واقعیه مبنی کلش اولنردن بالیکسره تابع کسروین
قریه سندن اسماعیل اوغلی . . یاشنده علی و عثمان
اوغلی الی یاشنده قریه امامی مصطفی افندی دن
منفرداً و مواجعه بعد الخلیف معلوماتلری استفسار
اولندقه بولردن علی اوچیوز بش سنه سی نیسانک

معاون بک مقدوره استنطاق دائره سنده دخی
خصمی اشارتله تعین وارانله ایشلدر برکرده
افاده مضبوطه سنه مراجعت یورلسون دیدی
بناء علیه مضبوط افاده سی اوقوتدیرلدقه التجی
صحیفه ده کی مواجعه لرنده باش اکرک حسنی
کوسترمش و بو سکا نه یامشدر سؤالنده اوکنی
اشارت ایش بولندیغنی مستبان اولدی .

مز بوره ایفک پدری کسروین قریه لی
مصطفی اوغلی پهلوان حبیب سو یلتدیرلدکده
اوچیوز بش سنه سی نیسانک طقوزنجی کونی
الهی یدی یاشلرنده کریمه سی دلسر ایف زقاقده
اویار ایکن فاعل مرقوم حسن کندی خانه سنه
کوتوروب اوراده هر ضنه بکهرک صالیو یرمش
و مز بوره ایسه البسه سی قانی برحاله خانه سنه
کلش اولدیغندن قریه امامی مصطفی افندی به کیفیت
خبر و یروب مومی الیه مصطفی افندی ایله قزی
ایفدن اشارتله صور دقارنده اوکرینه دوشوب
طوغری حسنک خانه سی قیومنه قدر کتوردیکنی
وبعد درون خانه یی الیه کوستروب و کندوسی
بلوک اوغلی علی و کوبه لری رمضان دخی
چاغیروب مذکور خانه به کیدرکرنده بوکلک
اوکنده هنوز یقامش محلی چوجغک اشارتیه
کوردکرینی و فاعل مرقومک طونی معاينه

یقانمش اولان محلی کوستروب اول ائتاده حسنک
همشیره سی امینه کلدیکنده بوراسی نه اولدی دیه
صوره سیله اوده صو دوکلدی دسستی دورلدی
دیدیکنی و اوخلده قانه بکزر برشی دخی کورمش
وتکرار امینه یه بونه در دیه سؤال ایلدیکنده نه
یله یم جوابی و یرمش اولدیغنی بعد حبیب پهلوان
اهالیدن رمضان ایله بلوک اوغلی علی بی دخی
کتیروب انلرده مفعوله موقع جرمی کوستردیکنی
و مؤخرأ حسنک ایاغنده بولنان طونی معاينه
ایلدکرند اوکنده اوچقورنده قان کورهرک
هرنه قدر اولجه یقامش ایسه ده چقارمه مامش
اولوب ایاغندن طونی الهرق بورایه کتوردکرینی
اخبار ایلدیلر .

شاهد مرقومانه حسنک ایاغندن چیقاریلوب
محاکمه موجود بولنان طون مقام ریاستدن
ارائه ایلدکده حسنک ایاغندن چیقارندقری طون
بو اولوب حالا اوکنک قانی طورر اولدیغنی
سو یلدیلر .

شهادات واقعیه قارشو برمدافه سی اولوب
اولدیغنی متهم حسندن استفسار ایلدکده شاهدره
ارائه اولنان طون کندوسنک ایسه ده اوزرنده کی
قان لکه سی بورنی قانه مسیله اندن حاصل اولدیغنی

طقوزنجی بازار کونی حبیب پهلوان کریمه سی
دلسر ایفده حسن طرفندن فعل شنیع اجرا ایلدش
اولدیغنی خبر ویره رک کو بولردن رمضان دخی
برابرلنده اولدیغنی حالده متهم حسنک خانه سنه
قدر واردقارنده قریه لری امامی مصطفی افندی ده
اوراده اولوب حبیب پهلوان مز بوره نک اتکنی
قالدیردیغنه اوکی بحاقرینه قدر قانی برحاله
بالمشاهده اورادن مذکور خانه نک یوقاروسنه
چیقارلرنده بوکلک اوکنی دخی تازه جه یقامش
اصلاق کوروب دلسر ایفده او یقامش محلی
کوسترمش بولندیغندن امام قریه حاجی مصطفی
افندی نک افاده سی اوزرینه متهم حسنک طونه
باقدرلنده طونک اغنده اوکنده اوچقورلغنده
قان نشانه سی بولنه رق ایاغندن چیقاروب مصطفی
افندی به تسلیم ایلدکرینی . و امام مصطفی
افندیده یوم مذکورده ساعت سکر صولرنده
حبیب پهلوان مکتبه کهرک بلال اوغلی حسن
دلسر کریم ایفک بکرینی ازاله ایش دوشکایت
ایلسی اوزرینه ایفدن زرده اولدی دیو اشارتله
صوردیغنده مفعوله ایف اوکنه دوشوب فاعلک
خانه سنه قدر کوتوره رک قیومسنده طوردیغنی
وبعد درون خانه یی اشارت ایلیرک مز بوره نک
پشی صره واردیغنه ایچروده صو دوکیلوب

بالافاده عرضنه پکرایکن کورن وارایسه کلسون
سویلسون اووقت جزامه راضییم دیو مدافعهده
بولندی .

شهود پوصله سنده اسماری محرر شاهدلردن
کریم چاوشک کیسود ناحیه سنده اولدیغی ورمضا -
نکده طشرده بولنه رق جلبنامه نك تبلیغ ایدیه -
مامش بولندیغی جلب مذکره سی زیرینه یازیلان
شرحلردن اکلاشیله رق بناء علیه کریم چاوشک
جلبی ایچون حقنده طولدیریله جق جلب مذکره -
سنگ کیسود مدیرلکنه ارسالنه ورمضان حقنده
دخی بشقه ججه جلب مذکره سی تسطیرینه و محا -
که ننده نشرین اولک اون دردنجی کونته تعلیقنه
بالذا کره قرار ویریلرک تفهیم قلندی .

یوم مذکورده ساعت بدی راده لرده هیئت
کافی السابق موجود اولدیغی حالدده متهم حسنک
توقیفخانه دن کتوردیلرک وکیلی دعوی وکیللردن
سعدالدین افندی دخی برابرنده اولوب حضور
محکمه یه جلبله ضبط سابق سرپا قرائت ایدلش
وتحجج ایدیه جک برجهت اولدیغی لدی السؤال
اکلاشیله قدن صکره اولسان دعوت اوزرینه
کیش بولنان دعوی شاهدلردن بالیکسرنک از میرلر
محله سنندن محمد اوغلی . . یاشنده کریم چاوش

وکسروین قریه سنندن کوبه لیلرلی علی اوغلی ۶۵
یاشنده رمضان بعد الحلیف منفرداً ومواجهه
صورلدقه بولردن کریم چاوش افاده سنده علیه نه
حبیب پهلوانک اقامه ایتش اولدیغی عرض
دعواسی اوزرینه مرقوم حسنی حکومه تسلیم
ایتمک اوزره کفالت ایلدیکنندن بورادن کیسدرلر
ایکن حسنک والده سی کندینه بزچوجفک نفوس
کاغذینی کتوردک تذکره چیقارده جفز صندریغی
طرفنه اشقیالک یانه کیتسسون برکونده کلوب
پهلوانی کسسون دیمسیله کندوسیده جواباً بن
کفیل اولدم بکا سز کوسرتن دیدیکنده بولر
بوراده قدیرک خانه سنه و حسنک یانه کتورد -
کلردن کفالتیم جهتیله حسنی کتورر ایکن پدربله
انامی اغلاشیمغه باشلادقلرنده متهم حسن بولره
قره چالطیده کی ترلا اوغور اولسون بزم مشکلمز
حل اولدی یا دیدیکنی . ورمضانده وقعه کونی
صبی الیفک پدری حبیب پهلوان متهم حسن
طرفندن کریمه سنک عرضنه یکلیدیکنی شکایت
ویان ایدرک علی دخی برابرنده اولدیغی حالدده
حسنک خانه سنه کتدکلرنده حبیب پهلوان کریمه سی
الیفک اتکنی قالدیردیغنده ادب یری ملع و بیجاقلرینی
قانلی کوردکلرینی و خانه سنک یوقاروسنه چیقمش
اولدقلردن یوکلک اوکی تازه ججه ییقاتش اولوب

مقدما اورایه کیش بولنان امام مصطفی افندی
فامک اوزرینه بقالم دیو باقدقلرنده حسنک طونده
قان کوردکلری جهته ایاغسندن چیقارتدقلرینی
وموخی الیه مصطفی افندی مرقومک قزقرنداشی
امینه یه اصلاق اولان محلی نیچون یقادیکنز
دیدیکنده صو دوکلدی جوابی ویردیکنی اخبار
ایتدیلر .

شاهد مرقوم رمضان دائرة استنطاقچه
مضبوط اولان افاده سی لدی القرائه صبی الیفک
موقع جرمی کوسرتس بولندیغی سویلدیکی اکلا -
شیلدیقندن بوجهت مقام ریاستدن استفسار
اولدقدقه موقع جرمی الیفک کوسرتمدیکنی سویلدی
رمضانله کریم چاوشک شهادتنه نه دیه جکی متهمدن
صورلدقه کریم چاوش طانیدیغی کیمسه اولدیغی
وطونده بولنان قان دخی برون قانی اولدیغی
تذکار ایلدی .

محا که شمذیلک ینه بونقطه ده براغیلررق
کسروین قریه لی اسماعیل اوغلی علی ابله رمضانک
اجرای مواجهه لرینه و محاکمه نك دخی نشرین
نایدنک یکرمنجی کونته تعلیقنه قرار ویریلرک
تفهیم قلندی .

یوم مذکورده ساعت القی راده لرنده رئیس
محکمه علی رضا افندی و قنوع وفاتی جهتیله
یرینه توکیل ایدیلان محکمه اعضاسندن محمدصم
واعضادن نوری وهاجی اغوب وخره لامبو
وملازم اعضا حاجی اشرف افندیله مدعی
عمومی معاون علی حیدر بک افندی قره سی بدایت
محکمه سی جزا دره سنه مخصوص اولان اوطده ده
بالاجتماع توقیفخانه دن جلب ایدیلان متهمک
وکیلی سعدالدین افندی حاضر اولدیغی حالدده
ضبط سابق سرپا مطالعه قلندی .

مواجهه لرینه قرار ویرلش اولان رمضان
وعلی دعوت واقعه اوزرینه کلدکاری جهته
حضور محکمه یه جلب اولنده رق استجواب
اولدقلرنده بولردن رمضان افاده سابقه سی
دائرة سنده اداره کلام ایدرک علیه صبی الیف
برابرلنده بولنوب پدری دورتدیکنده موقع جرمی
کوسرتدیکنی سویلمی اوزرینه معاون بک بوآدمک
اولجه مستنطق و محکمه حضورنده قسمله واقع
اولان اخبارینه شمذیکی افاده سی مبین وشم التدارک
کوردیکنندن بمحله تدقیقنی ایسنندی بناء علیه
تکرار صورلدقه مرقوماندن رمضان کیروده
ایدم چوجفک موقع جرمی کوسرتدیکنی کورهمدم
جوابی ویردیکی کبی علی دخی بنم خاطرمده بوبله

قالشدر دیدی . کسروین قریه سندن علی اغا
زوجه سی عایشه و کریمه لری حبیبه و خدیجه
وزکسلی مصطفی کریمه سی امینه و اسماعیل اوغلی
محمد علی و علی اوغلی حسینک دائره استنطاقچه
مضبوط افاده لری مقام ریاستک امریه قرائت
ایتدیرلکده مزبوره حبیبه و خدیجه و امینه و قعه
کونی حسن باغده یا نلرنده بولنه رق نماز
قیلیق اوزره برارالی کیدوب کلش ایسه ده بورنک
قنادیغندن معلوماتری اولیوب یالان اولدیغنی
قسمله سولش و عایشه ده بووادیده اداره کلام
وقریه لینه کلدیکنده مرقوم حسن پهلوان حبیبک
کریمه سی ایغه فعل شنیع اجرا ایلدیکنی ایشتمش
بولندیغنی بیان ایش و محمد علی ایله حسین دخی
حسن طرفندن مفعوله نک عرضه پکلدیکی تواتر
اولدیغنی یلدرمش ایدوکی اکلشلدی .

بده موجود راپورلر اوقوتدیرلهرق بولنردن
طیب مملکت حسن خلقی و قابله الی امضا و مهر .
لریله ممضی راپوره کسروین قریه سندن کورت
پهلوان حبیبک کریمه سی یدی سکر یا شلرنده الیفک
معاینه سی اجرا اولندقد غشاء بکارت تماماً و کلاً
منشوق اولوب بین السیبلنک تخمیناً یارم ساتیمترو
قدر طولانی انشقاق ایتدیکی مشاهده اولنهرق
اشبو کوریلان اماره و علاماته نظراً صبی مزبو .

رهبه جبراً فعل شنیع اجرا ایلدیلوب برکونک
ازله بکر وقوع بولدیغنی ناطق قی ۱۰ نیسان
سنه ۳۰۵ تاریخیه مورخ اولدیغنی وینه طبیب
مملکت حسن خلقی مهریه بمهور فی ۱۱ نیسان
سنه ۳۰۵ تاریخیه دیگر راپورده ده طون ایله
کوملک معاینه اولندقد هرنه قدر اوک طرفنک
اوچقوراق حداسی یقائنش ایسه ده ینه قان
نشانه لریک موجود اولدیغنی وایچ طرفنده رقاچ
رده کوچک قان لکه لری اولدیغنی کبی کوملک
اوک وارقه جهنلرنده دخی زیاده سیله قان لکه لری
بولندیغنی مبین ایدوکی اکلشیلدی رئیس محکمه
متهمه خطاباً طونک اوزرنده بولنان قان لکه لری
بورک قانی دیمش ایدک و کوستردیگک شاهده لر
بو باده عدم معلومات بیان ایشلر نه دیه جکسک
دیدیکنده مزبوره کوردی ظنیه سولش ایدم
جوابنی وردی بعده رئیس محکمه معاون بک
افندی به توجهله محکمه جه اجرا قلنان تدقیقات
بولندن عبارتدر دیدی .

بونک اوزرینه معاون علی حیدر بک افندی
اشای تشریح دعواده بیان ایدلیدی و جهله
مخبرلرک اخبارات عدیده سی معاینه راپورلرینک
مندرجات موثوقه سی متهمک تکذیب اولنوب

مفعوله نک بالاشاره فاعل و خصمنی تمین ایلدی
فعل مدعا بهی درجه ثبوت کتورمشدر .

بو باده شاهد اولهرق طرفزدن اقامه قلنان
حاجی مصطفی افندی و علی اوغلی رمضان ایله
کریم چاوشک (بیطرف) (موثوق الکلم) معتبر
کیسه لر اولدیغنی معلومدر بولنردن حاجی مصطفی
افندی عقب و قعه ده حال فلاکتیه کوریلان
مفعوله الیف اوکنه دوشوب تا فاعل حسنک
خانه سنه قدر کورتورک قپوسنده طوردیغنی
و بعده درون خانه بی اشارت ایدرک ینه پشی
صره واردیغنده ایچروده کی موقع جرمی کوسترک
اورامی ایسه لکه لی و تازه یقائنش ایدوکی
بولندن صکره فاعل مرقومک طوننی معاینه
ایتدکلرنده قان نشانه لری مشاهده اولدیغنی خبر
و یرمشدر .

اسماعیل اوغلی علی و رمضانک جمله اخبار
راتیده بونی تأیید و تصدیق ایدرک کریم چاوش
دخی متهمک تمینی کوستر برطرز افاده کندو .
سنه بعض سوزلر موئلدیکنی اخبار ایشلدر
فاعل مرقوم حسن ایسه طونده کوریلان لکه لری
باغده ایشلرکن بولنردن اقان قان اثری اولدیغنی
و بوکا علی اغا زوجه سی عایشه و کریمه لری حبیبه

ایله خدیجه و برده زکسلی مصطفی قزی امینه نک
معلوماتری بولندیغنی بیان ایشلر ایکن مزبوره لر
کندوسنی بالتکذیب بطلانی تأویل و مدافعه سی
میدانه چیقمش و شوجه ایله برابر اسماعیل اوغلی
محمد علی و علی اوغلی حسینله علی اغا حلیله سی
مزبوره عایشه طرفلرندن دخی بو ایشک کویچه
حد تواتره واردیغنی یلدرمشدر .

بنده کز اشبو اسباب ثبوتیه دن یالکز مغدوره
الیفک تزویر و تصنیعدن معرا و ظاهرده کی حال
واثریه نفس الامر مقلاننی ظاهر وهویدا اولان
اشارت و ارائه سنی اثبات مدعا به کافی عد ایدرم
مع هذا اثار جرمی ازله بکری مشعر طبیب
و قابله راپورلری کی الیه ایکی برهان فنی و مفعو .
له نک صبیانندن معدودیتی حسینله فعل فاعلده جبر
طبیعی موجود بولنوب بولنره اخبارات و تکذیبات
مسروده دخی منضم اولمشدر . بحث و سبب
اجرایه کلنجه متهمک تحت اعترا فنده بولندیغنی
اوزره مقدا همشیره سنک قالدیرلسندن طولانی
پهلوان حبیبله ده عداوتی اولدیغندن فصاحت
مذکوریه بی اخذ و انتقام بولنده و صورت جبریه ده
ارتکاب ایش و اشای تشریحده بیان قلندیغنی کبی
ینه تکرار ایدرمکه عالم اسلامیتکده لوم و نفرتی
مستلزم برشناهی مرتکب اولمشدر بوکا مبنی درکه

صبي مفعوله نك احوال مغدورانه سی حالا چشم
انصاف و تأسف اوکنده اوقانی صورت مظلوم.
مانه سنك تأثیرات مخصوصه سیله تجسم ایدوب
جرمك اثار وحشیانه سنی و تعبیر دیگرله کندوسنك
فلاكت و فاجعه دلشکافانه سنی کوستره رك کویا که
لسان حال ایله مقتضای عدالتك بحق اجرا سنی
برطرز معصومانده تمنی الیکده در بناء علیه قرار
مجرمیت اعطاسی طلب اولنور دیدی .
مابعدی وار

اعلان

شبه قضاسنك جدیدیه قریه سنده مسکون
ابازه ابراهیم بکه قتل قصدیه صاچه مملو تفنگنی
انداخت ایلدیکی ادما اولتسندن طولابی مظنون
علیه او اوب تحت توقیفه النبیان قریه مذکورلی
اورته بوبلی صاری بقی و صاری قاشلی مائی
کوزلی قرمزلی چهره لی انجیه برونلی واورته
اغزلی صاری صقالی ولبسه صاچلی قرق بش

باشنده ابازه محمود بن موسی حقنده اوراق
تحقیقه ده درمیان اولنان احوال اتهامه درجه
کفایه ده کورلش و حرکت واقعه سی قانون جزانك
یوز سکسانجی ماده سنك علاوه سی حکمنی مستلزم
افعال جنایه دن بولنش ایدوکندن اصول محاکمات
جزائییه قانونك باب رابعنك فصل نائیسنده محرر
مواد احکامنه توفیقاً جنایت محکمه علیه سنده
محاکمه سی اجرا اولتیق اوزره جنایتله اتهامه
قرار و برلدیکندن متهم مرقوم هر زده کوریلور
ایسه طوتیلوب محکمه مذکوریه توفیقخانه سنده
تسلیمی ایچون بالجله ضابطه عدلیه مأمورلرینك
معلومی اولتیق اوزره اشبو اخذ و گرفت مذکره سی
محکمه استیناف جنحه نزدنده متشکل هیئت
اتهامیه دن بالنظیم اعطا قلندی .

فی ۷ جاذی الاول سنه ۳۰۷

وفی ۱۸ کانون اول سنه ۳۰۵

بنفا قضاسنه تابع عزیزیه قریه سنندن اسلام
اوغلی حسنك لیلاً اکین دملربنی احراق ایتسندن

طولابی مظنون علیه اولوب تحت توقیفه الندیغنی
اکلاشیله میان اورته بوبلی طوبارلق الین الا کوز
یوک برون و اغزلی قرال قاشلی سیاه صاچلی
بیاض چهره لی تپه قریه سنده مقیم بولونخان بن
علی حقنده اوراق تحقیقه ده درمیان اولنان
احوال اتهامه درجه کفایه ده کورلش و حرکت
واقعه سی قانون جزانك یوزالتش دردنجی ماده سی
حکمنی مستلزم افعال جنایه دن بولنش ایدوکندن
اصول محاکمات جزائییه قانونك باب رابعنك
فصل نائیسنده محرر مواد احکامنه توفیقاً قلعه
سلطانییه بدایت محکمه سی جزا دائره سنده
محاکمه سی اجرا اولتیق اوزره جنایتله اتهامه و متهم
مرقوم هر زده کوریلور ایسه طوتیلوب محکمه
مذکوریه توفیقخانه سنده تسلیمی ایچون بالجله
ضابطه عدلیه مأمورلرینك معلومی اولتیق اوزره
اشبو اخذ و گرفت مذکره سی درسه عادت محکمه
استیناف جنحه دائره سی نزدنده متشکل هیئت
اتهامیه دن بالنظیم اعطا قلندی .

فی ۲۶ ربیع الآخر سنه ۳۰۷

وفی ۷ کانون اول سنه ۳۰۵

ککبوزه قضاسنه تابع ابدلی قریه سی
اهالیسندن کورجکی اوغلی ولی افانك در علیه ده
آت بازارنده ساکنه بابشه حانه قصبه مذکوریه
بدایت محکمه سنك فی ۲۵ اغستوس سنه ۳۰۳
تاریخلو واون ایکی نومرولی اعلامیه له محکوم
اولدیغنی مبالغ معلومه نك تأمین استیغاسی ضمنده
مدیونه مرقومك عهده سنده اولوب مع تحریر
وبرکو دائره سنندن مصدق ذهلرنده مستقلاً مالی
اولدیغنی کوسه تریلان و داین مزبوریه نك طلبیه
تحت حجزه الدیریلان قریه مذکوریه حدودی
داخلنده کاش معلوم الحدود بر باب خانه عرصه سی
و حاجت دره سی نام محله ده بر باب ملک دکرمن
وینه تکنه دره سنده معلوم الحدود اوتوزیدی
دوئم مقداری بر قطعه ترلا وینه چیقریق قیو نام
محله معلوم الحدود اوج دوئم مقداری بر قطعه
باغ وینه اشاغی چشمده واقع معلوم الحدود طقوز
دوئم مقداری بر قطعه ترلا وینه ترلالی نام محله
معلوم الحدود ایکی دوئم مقداری بر قطعه باغ
بلقان قشله اغیل نام محله معلوم الحدود ایکبوز
التش بر دوئم مقداری اوج قطعه ترلا سی
جمعاً طقوز قطعه ملک وارضی اصولاً تاریخ
اعلانن اعتباراً اون بش کون صکره مزایده به
وضع اولنه جفتدن طالب اولانلرک ککبوزه بدایت
محکمه سی اجرا دائره سنده مراجعت ایلری اعلان
اولنور .

فی ۲۱ کانون اول سنه ۳۰۵

علطه ده سلطان بارزید محله سنده طوپچیلر
جاده سنده کائن ایکی باب مغازه و فوقنده بر باب
منزل ایله محترق فرون و دکر من عرصه سندرک بوز
یکرمی سهم اعتباریله اونوز سهم حصه شایعه -
سندن میخال و قترینه و آتیه و انسطاشیه و فرو بدنگ
کف یدلریله مدعی پترکی به تسلیی استانبول محکمه
شرعیه سندن و بریلان فی ۱۵ ذی القعدة سنه ۳۰۶
تاریخی اعلام شرعیه محکوم بولنش و مزبورون
قائده اولدقلری کبی محل اقامتلی مجهول بولندیخی
خبر و برلسندن طولانی اعلام مذکورک صورتی
تبلیغ ایدیه مامش اولدیغندن مزبورون طقسان بر
کون ظرفنده اثبات وجود ایتدکاری حالده اجرا
قانون موقتک یکرمی طقوزنجی ماده سیله اصول
محاکات حقوقیه قانونک یکرمی التنجی ماده سندرک
فقره اخیره سنه توفیقاً اعلام مذکورک صورتی
کندولرینه تبلیغ ایدیش عد اولندهرق حکم اعلام
اجرا اولنده جغی معلوم اولق اوزره اعلام
مذکورک بر صورتی دائره دایونخانه سنه تعلیق
اولندیخی کبی غزنه لرله دخی اعلانه ایدار
اولنور .

فی ۲۸ کانون اول سنه ۳۰۵

عدد جنس اشیا

- ۱ التون ایشله لی عجم اوغلی کاری قلنج
- ۱ التون ایشله لی چرکس قلنجی
- ۲ ایچی طیشی طبان قلنج
- ۱ سائزال فرانسر چفته سی
- ۲ التون قورشون قلی

موسو اجیانک محکوم به الاجفندن طولانی
تحت جزء النوب مقدما فروختی اعلان اولنان
بروجه بالا بش قم بدی پارچه اشیانک بعض
اسبابه مبنی مزایده سی تأخر ایلدیکندن واشیای
مذکوره شهر حالک اوتوزنجی جمعه ابرتسی و شهر
اتی رومینک برنجی بازار ابرتسی و ایکنجی صالی
کونلری ساعت یدیدن اعتباراً جواهر بدستانده
بالزایده فروخت اولنده جفندن اشتراسنه طالب
اولنلرک ایام مذکوره ده محل مزبوره مراجعت
ایتلری در سعادت اعلامات نظامیه اجرا دائره -
سندن اعلان اولنور .

فی ۲۵ کانون اول سنه ۳۰۵

فاطمه خانمک در سعادت بدایت محکمه سی
برنجی حیوق دائره سندن و بریلان اعلام موجبجه
طوزجی اصنافندن صورتی ذمتنده الاججی بولنان
مبالغ معلومه نک تأمین استیفاسچون مدیون
مرقومک عهده سنده اولوب تحت جزء النبان
صماتیه ده تراموای جاده سنده واقع تخمیناً بوز
قرق بش آرشون عرصه اوزرینه مبنی ایکی
قائدن عبارت اولهرق فوقنده صالون و دروننده
ایکی اوطه و برقیوبی مشتمل کارکیر ایکوز طقسان
القی نومرولی شربخانه کدکنک یوز یکرمی سهم
اعتباریله مدیون مرقومک متصرف اولدیغی قرق
سهمندن دینه کفایت ایده جکی اکلاشیلان یکرمی
سهمی بوندن اقدام مزایده قونیه لرق لیرای
عثمانی یوز غروشدن اولق اوزره درت بیک
غروشدن طالبی عهده سنده تقرر ایتش اولدیغندن
بوندن زیاده به یعنی یوزده بش ضمیمه طالب اولنلرک
ودها زیاده معلومات المقتی استیانیلرک تاریخ اعلانن
اعتباراً اوتوز برکون ظرفنده در سعادت اعلامات
نظامیه اجرا دائره سنه مراجعت ایتلری اعلان
اولنور .
فی ۲۸ کانون اول سنه ۳۰۵

خایم وزوجه سی قادونه و اوغلی بخورک
نومرولی اعلام موجبجه صالح افندی به
محکوم به دینلری اولان معلوم المقدار مبالغک
تأمین استیفاسی ضمننده تحت جزء النمش اولان

عدد	جنس اشیا
۱	مرمرلی بورو
۱	القی کوشه لی جویر ناولین
۱	یازو خانه
۱	جویر صندوق
۱	اوسط آینه
۲	تجره مع قپاق
۱	صغیر بدسی
۱	قیو قپاخی
۴	صوراخی
۶	سیغاره طباقلری
۱	کبریتلک
۶	فلجان مع طباق
۱	سفره اورتوسی
۴	بصمه پرده
۴	آمریقا سدیر اورتوسی
۱	دانتانه لی اورتو

اشیانک کانون ثانینک اون ایکنجی جمعه کونی
خاصکویده واپور اسکله سی جاده سنده ساعت درت
قرارلرنده فروختی مقرر اولدیغندن طالب اولنلرک

یوم مذکورده وساعتده محل مذکورده حاضر
بولتیری بك اوغلی بدایت محكمه سی اجرا ماموریتی
جانبندن اعلان اولنور.

فی ۱ کانون ثانی سنه ۳۰۵

اولنه جغی معلوملری اولق اوزره اعلان کیفیته
ابتدار قلندی .

فی ۱۹ جاذی الاول سنه ۳۰۷

وفی ۳۰ کانون اول سنه ۳۰۵

بکقوز بدایت محكمه سنك ۴۰۵ نومرولی
اعلامی موجبجه جراح اشرف افندیك انجیر
قریه سنده ساکن انور بك ووالده سی حفیظه
هرمزخانم ذملرنده الاجغی اولان مبالغ معلومه نك
تأمین استیفاسیچون مدیونه مزبورده نك غلطده
عرب جامع شریفی محله سنده بمنجیلر جاده سنده
یتش طقه وز نومرو ایله مرقم بر باب خانندن
مزبورده نك متصرفه اولوب محجوز بولنان ربع
حصه سی لدی المزاید ایرای عثمانی یوز غروش
حسابیله اوج بك یك یوز غروشده طالی عهده سنده
تقرر ایدرك موقت قراردادده سی کشیده اولنش
اولدیغندن یوزده بش ضمیله طالب اولنرك تاریخ
اعلانن اوتوز بر کونه قدر پی ایچله ریه برابر
بکقوز بدایت محكمه سی اجرا دائره سنه کلری
اعلان اولنور .

فی ۲۰ جاذی الاول سنه ۳۰۷

وفی ۳۰ کانون اول سنه ۳۰۵

در سعادتده یکی جامع شریف حواله سنده ۳۲۵
نومرولی دکانده ساکن استاوری ولد ملتبادی
بستوفك بك اوغلنده قالی ونجی قواللغنده ۴۳
نومرولی دکانده ساکن بوکره محل اقامتلی
مجهول بولندیغی خیر ویریلان انسطاش وشریکی
یانی مارغریج علیهلرینه در سعادت محكمه تجارتی
ایکنجی مجلسنده برقطعه امره محرر سند موجبجه
یکرمی عدد لیرا وکسور غروشک تحصیل واوله
مدیغی صورتده افلاس لرینه دائر اقامه ایلدیکی
دعوانك بك اوچیوز بش سنه سی کانون ثانیه نك
یکرمی یدنجی جمعه ایرتمی کونی ساعت التی ده
فصل ورؤیتی مقرر ایدوکنندن مر قومان انسطاش
ویانی مارغریج بك یوم ووقت مزبورده محكمه
مذکورده حاضر بولمز و طرفلرندن مصدق سنده
وکیل کوندر مز لر ایسه حق لرنده اصول محاکمه نك
مواد مخصوصه توفیقاً معامله قانونیه نك ایضا